



DEO OPTIMO MAX. UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono,

QUÆSTIO MEDICO-CHIRURGICA,

QUOD LIBETARIIS DISPUTATIONIBUS,
*manè discutienda, in Scholis Medicorum, die Martis vigesima-quintâ
mensis Martii, anno Domini M. DCC. LXXVI.*

M. MATTHÆO-THOMA LACASSAIGNE,
Doctore Medico, Præside.

An Bubones Febribus malignis supervenientes immaturi, causticis aperiendi?

I.



A est humani corporis innata facultas, ut non solum variis emuncto-
riis, si quid intus venenosum subrepperit foras eliminare allaboret; sed
etiam dum ad partes externas humorem morbosum deponit, vis-
cerum compagem immunem ab ipsius labe præstet.

Hosce virium naturæ medicatricium effectus quotidiana evincit
observatio, & eos sub evacuationum, vel Bubonum criticorum no-
mine Clinici designaverunt. Non utrumque tamen æquè salutare præsidium & quæ
per abscessus sunt judicationes difficiliore*s* iis quæ per evacuationes absolvuntur.
Ipsis protuberantibus mitescit mali ferocitas, sed nimium ne crede maleficæ quieti,
nondum fractus omnino jacet hostis, & brevi atrocius adhuc desaviet. Non enim
digesta materies hos tumores efficit, & cum ipsi raro aut semper difficile in suppu-
ratum abeant, profundius latens deposita mali fomes resorbetur, & ut sæpius
evenit, inopinato in pulmones aut cerebrum decubitu ægrum de medio tollit.

2

Causticis itaque immaturi sunt aperiendi Bubones si ipsorum ope laudabilis suppuratio celerius promoveatur, & facilius inde materia morbifica pateat exitus.

I I.

QUOD crudum in vasis contentum morbum constituit, humoribus nostris assimilari si nequeat, coctione indiget ut expellatur, sic etiam si capillaribus impactum hæreat, & resolvi non possit, nec debeat, necessum est ut pars quam oppugnat, oborta inflammatione, suppuret. Mechanismus autem quo talia perficitur natura altius ne perscruteris, in ipsam febrem reperiens. Ita postquam in frigore febrili extremorum resistentia vi cordis prævaluit, victrix, calore adacta, vis cordis resistentiæ extremorum prævalet. Hæc autem diu concipi nequit, quin ex crebriori attritu sanguinis à corde affluentis, & à vasis obstructis repulsi, major adhuc calor exsurgat. Ut enim à circuitu humorum per vasa elastica naturalis calor pendet, sic in febre quò magis compactus est sanguis qui influit, quò magis angusta vel obsesta sunt vasa quæ renituntur, quò manifestior velocitas motus qui talem sanguinem per talia vasa pellit, eò insigniora sunt caloris incrementa. Nec potest crescere motus sanguinis quin Encephalon quod novas cordis suppetias perpetuo mittit, frequentius adiens, vires ipsius adhuc augeat per nervos majori jam spirituum copia instructos; ita sensim vincitur circuitus obstaculum & stagnantia attritu solvantur, coquuntur, & criticè variis colatoris expelluntur.

Similiter etiam cum in glandulæ cujusdam parenchymate decubuit febrilis incendii fomes, vasa obstruit, distendit, stimulat, inflammat, rotundus, rubeus, calens & dolens tumor adest, febris topica nascitur. Sed adactis arteriarum oscillationibus, si ita attenuari nequeat obstructionis causa, ut resolutionis spes nulla sit, disrumpuntur vasa, fluidum effundunt, quod cum humore qui infixus erat immixtum, eum solvit, involvit, & mutat in homogeneam illam materiem puris nomine insignitam.

Hæc autem persciantur si sua tempora debite percurrat ipsa febris, si sufficiens & bonæ notæ sit tumoris inflammatio. In febribus verò mali moris, ubi septicum miasma vitales spiritus & humores inficit, vasorum actio languet, fluida non subacta vapescent, coctio nulla fit aut ferè nulla, stasibus ad partes nobiliores obortis, in conspectu procumberet æger, nisi tùm factâ metastasi in glandulis sub cute delitescentibus, projiceretur deleterium, & Bubones producerentur. Multum tamèn adhuc adest ut tunc sibi sola sufficiat natura. Celerem in tumore suppurationem promovere debet; lentè si procedat, timenda deleterii resorptio tragedias certò allatura. Sed maligno miasmatis afflatu fractus est vasorum elater, vires vitæ enervatæ tanto operi impares evadunt. Tumor enim non acutè dolet, non rubet nec protuberat. Calor in ipso mediocris est, & quamvis maturantia adhibeas efficaciora, pus raro aut semper difficile efformabitur, rariùs adhuc & difficiliùs exitum sibi parabit ad exteriora. Quid igitur faciendum? resolutionem tentare piaculum est, suppurationem itaque promoveas.

I I I.

IN causticis autem ea est virtus, ut suppurationem accelerent, Causticum enim dicitur quod corpori applicatum fibras corrodit, & escharram producere valet: duplex est, actuale nimirum, & potentiale. Actuale in ipsomet igne reperiens; in triplici naturæ regno, potentiale. Sed non satis erat ut obvia tot corpora, caustica suppeditarent: Chimici labores etiam alia ex alkalinis acidisque salibus elicerunt. Earum in Chirurgiâ usus præcipuè invaluit, & ignis ab omnibus ferè ablegatur. Chymica namquè caustica efficaciori actione indicationibus præstò sunt; opportunè applicata, humido exhalante solvantur, spiculis suis salinis fibras cutis dissolvunt, tumoris partem cui adherent, ero-

3.
dunt, & cum eâ escharram efformant. In vicinis interea partibus solidorum tonum erigunt, inflammationem languentem suscitant, & calorem adaugent. Ea verò sunt quæ necessàrio puri natales præbent. Excitatis reverà applicatione caustici his moribus, pus sub escharâ natum, eam pellit, abscessus rumpitur & in purulentum humorem conversa delenteria materies, quâ datâ portâ ruit. Quæ postea sequitur suppuratio, eò securiori gressu procedit, quò tardius exsiccatur. Sic tota glandulæ substantia quod viscosi continebat effundit, non inanis ipsius resorbtionis metus evanescit, & si quid adhuc virulenti cum humoribus volveretur, in partem minùs resistentem decumbit, undè perfectâ crîsis, & absoluta curatio.

I V.

AT in febribus malignis ab incisione Bubonis ope scalpelli tot commoda ne speres. Si quid purulenti jam adsit in tumore, ipsâ evacuetur, sed quod in anfractuosis glandulæ recessibus hæret suppuratione, ut retulimus, indiget, & absquè inflammatione pus non generatur. Medium itaque eligendum est, cujus stimulo phlogosis illa salutaris nascatur. In incisione verò illud non invenies. Semel enim incisione factâ, debilitata jam vasa magis adhuc relaxantur, extinctâ ferè vi vitæ, vulneris labia non inflammantur, ichorem loco puris eructant, sublidet tumor ferè gangranosus, & delitescencia lethalis sequitur. Caustici verò actione non solum humori jam collecto ad exteriora via panditur, sed cæteris etiâ, ut ostendimus, occurrit indicationibus. At in rebus Medicis quid ratiocinia valent, nisi confirmantur experientiâ? Eò certari etiâ fundamento nititur illa Bubones aperiendi methòdus, quò ab omnibus ferè clinicis feliciori cum successu usurpatur. Nos quoquè salutares ejus effectus experti sumus in illâ quæ Cassellis Hassorum deservit epidemiâ per autumnum anni 1760 & integram subsequenter hiemem. Ejus historiam paucis exarare liceat.

Regis Exercitus, in quo tunc Medici munere fugebamur versùs Augusti finem, propè illius urbis mœnia castra sua ad aquilonem posuerat. Monticulum ala dextra occupabat, centrum declive solum, ala verò sinistra demissum paludosum, in cujus vicinia mons erat densis obstitus arboribus.

Ad Octobrem usquè mensem satis amœna serenaque fuerat tempestas, nec Dysenterias, Febres biliosas remittentes & intermittentes admodum lethales effecerat. Sed eo sub tempore Ausser aut Africus continuò flans, constitutionem pluviis ità fecit & ideò insalubrem attulit, ut benigna morborum species in Febrem malignam putridam mutaretur. Quamvis malè sana sic fuerit tempestas, castris tamen se continuit Exercitus ad medium usque Novembrem. Aegrorum etiâ numerus quotidie increbuit. Alæ sinistræ Legiones, ut in humidiori loco degentes, morbo præcipue infestabantur, & talis erat ipsius apparatus:

Incipiente morbo lassitudinibus dolorificis tibiis. imprimis conquassantibus ægri laborabant, & rigoris calorisque vicissitudines experiebantur. Pulsus erat debilis, citatus, & capitis dolor immanis in orbitarum fundo ità sæviebat, ut oculos aperire vix poterant; lingua, flavo viridescente sedimento cooperta ad radicem, in apice intense rubescebat. Os interiâ amarescere, vultus pallorè infici. Respirationem sicca tussis divexat, & pondus ad cardiacam eam difficilem efficit. Tumor ventriculus, & eum nausæ & vomitiones excruciant. Vermes œsophagum adeuntes ore egrediuntur, defectiones variæ, urinæ tennes, interdum turbidæ. Cutis sicca, exanthemata tunc rara, & semper symptomatica.

Sed ingravescente morbo, crustâ nigrâ lingua tegebatur, ad pectus delata morbosa materies symptomatica pleuritidem, aut peripneumoniam mentientia inducebat; si cerebrum impeteret, delirium nervosæque symptomata, certa mortis imminenti auguria.

Ast si cutis, quæ hæc usquæ sicca fuerat, sudore m. desceret, vel parotides protuberarent, aliquid boni præfagiendum erat. Cum sudoribus enim efflorescebant exanthematicæ eruptiones, & cardiaci antiseptici adjuta natura crism absolvebat. Nec Emollientia, maturantia vel exquisitissima, ad suppurationem parotides conducebant, nec feliciori successu ferro incidebantur. Ad causticum, ut ad sacram salutis anchoram, confugiendum erat, & meminisse semper juvabit, ejus ope permultos ex orci faucibus evasisse.

Cætera in decursu morbi illius putridi adhibita de industriâ prætermittimus auxilia, ut quæ ad scopum minimè collimarent.

V.

NON indistinctè itamèn applicanda sunt caustica. Si enim puris fluctuatio jam in Bubone persentiat, anteposenda sanè lanceola, & tumor incidendus. Si calor, inflammationis individuus comes, humoris coctioni sufficere videatur, tunc etiàm à causticis abstinendum.

Ast, inquires, in his quidèm casibus ubi caustica suademus, nonnè satius esset Stimulantibus topicis, calefacientibus phlogosim & suppurationem promovere, quàm ægrum diris, quos causticum infert, doloribus divexare? Horumcè medicamentorum actio, nec certa, nec secuta nobis apparet; etenim calore quem in Bubone excitat, in schirrodeam indolem eum convertere potest, vel spasmodeâ vasorum constrictione, si tenuis & ichorosus sit humor delapsus, ipsius delitescentia ansam præbebit. Quod verò ad dolorem spectat, non adeò immanis est in parte deleterio morbi jam debilitatâ, ut tolerari nequeat. Vasorum tamen actionem & tonum erigunt etiàm caustica, sed ab ipsis non timenda, ut à calefacientibus materiam resorptio, viam enim simul aperiunt quâ foràs amandari potest. His igitur perpenlis concludimus:

Ergo Bubones Febris malignis supervenientes immaturi causticis aperiendi.

DOMINI DOCTORES DISPUTATURI

<i>M. Franciscus THIERRY, Regi à Consiliis Medicis.</i>	<i>M. Hugo CAPET.</i>	<i>M. Stephanus POURFOUR DU PETIT.</i>
<i>M. Anna - Claudius DORIGNY.</i>	<i>M. Petrus Augustinus ADET.</i>	<i>M. Paschasius BORIE.</i>
<i>M. Joannes - Baptista COSNIER.</i>	<i>M. Jacobus BAREU DU BOURG, Regis Scientiarum Academiæ Stokolmiensis & Societatis Regiæ Monspelienfis Socius.</i>	<i>M. Florentinus Carolus BELLOT, Professor Regius.</i>

Proponebat Parisiis **LUDOVICUS-CLAUDIUS GUILBERT**,
Parisiensis, Doctor Monspelienfis, Regis Exercituum Medicus ordinarius; necnon
Saluberrimæ Facultatis Medicinæ Parisiensis Baccalaureus, Theosopha Auctor,
A. R. S. H. 1766. A SEXTA AD MERIDIEM.